



Broj: 11-04-9-1918-1/21  
Datum: 10.03.2022. godine

BOSNA I HERCEGOVINA  
PARLAMENTARNA SKUPŠTINA BIH  
ZAJEDNIČKA KOMISIJA ZA NADZOR NAD RADOM  
OBAVJEŠTAJNO-SIGURNOSNE AGENCIJE BiH  
TRG BOSNE I HERCEGOVINE 1, 71000 SARAJEVO

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 15-03-2022

Organizaciona jedinica	Klasifikaciona oznaka	Redni broj	Broj priloga
03/2-	04	467	22

PREDMET: Izvještaj o operativnom i tehničkom nadzoru u oblasti zaštite tajnih podataka za 2020. godinu, *dostavlja se* -

Poštovani,

Shodno članu 76. stav (2) Zakona o zaštiti tajnih podataka („Službeni glasnik BiH“ broj: 54/05) u prilogu akta dostavljamo vam Izvještaj o operativnom i tehničkom nadzoru u oblasti zaštite tajnih podataka za 2020. godinu.

S poštovanjem,

Prilog:

- Kao u aktu (5 str.)

Dostavljeno:

1x naslovu,

1x a/a

MINISTAR  
Dr. Selmo Cikotić



---

Broj: 11-04-9-19/18 122  
Datum: 10.03.2022. godine

## IZVJEŠTAJ O OPERATIVNOM I TEHNIČKOM NADZORU U OBLASTI ZAŠTITE TAJNIH PODATAKA U 2020. GODINI

Sektor za zaštitu tajnih podataka Ministarstva sigurnosti BiH (Državni sigurnosni organ - DBO) je, u skladu sa članom 75. i članom 76. Zakona o zaštiti tajnih podataka ("Službeni glasnik BiH" broj: 54/05 i 12/09), u 2020. godini provodio aktivnosti operativnog i tehničkog nadzora u oblasti zaštite tajnih podataka u institucijama na svim nivoima državne organizacije u Bosni i Hercegovini.

Vanredne okolnosti izazvane prisustvom pandemije COVID-19 te donesenih mjera u cilju zaštite života i zdravlja uticale su i na provođenje aktivnosti u smislu vršenja nadzornih aktivnosti iz nadležnosti DSO u institucijama i pravnim licima u Bosni i Hercegovini.

U tom pogledu, sa institucijama se primarno vršila instruktivna i savjetodavna komunikacija te su izvršene i same posjete institucijama. Izvršene aktivnosti operativnog i tehničkog nadzora u 2020. godini su imale za cilj provjeru ispunjenosti propisanih uslova za prijem, obradu i čuvanje tajnih podataka (proces akreditacije i certifikacije sigurnosnih područja), te iniciranje provođenja mjera i aktivnosti zaštite tajnih podataka, kao i davanje potrebnih stručnih savjeta i instrukcija (instruktivni nadzor) na ispunjenju organizacionih, fizičkih i tehničkih odluka za zaštitu tajnih podataka koje su propisane odredbama Zakona o zaštiti tajnih podataka, podzakonskim aktima donesenim na osnovu tog Zakona, te NATO direktivama i Odlukama EU koje tretiraju ovu oblast, a shodno zaključenim sporazumima sa navedenim međunarodnim organizacijama.

Osim toga, nadzorne aktivnosti u 2020. godini su uključivale i prikupljanje potrebnih informacija od institucija koje su u saradnji sa DBO-om u procesu implementacije Zakona o zaštiti tajnih podataka i propisa donesenih na osnovu tog Zakona, odnosno od institucija koje su u procesu uspostave i opremanja potrebnom sigurnosno-tehničkom opremom sigurnosnih područja za zaštitu tajnih podataka.

### I - NADZOR NAD BEZBJEDNOSNIM PROVJERAMA, ORGANIZACIJSKIM, FIZIČKIM I TEHNIČKIM ODLUKAMA ZA ZAŠTITU TAJNIH PODATAKA (PERSONALNA, DOKUMENTACIONA I FIZIČKA BEZBJEDNOST)

Nadzorne aktivnosti DBO-a su u 2020. godini bile usmjerene na potvrđivanje ispunjavanja propisanih uslova za obradu tajnih podataka od strane pojedinih institucija, ali i na provođenju nadzora nad postojanjem procedura sigurnosnih provjera, te organizacijskih, fizičkih i tehničkih odluka za zaštitu tajnih podataka u sigurnosnim i policijskim agencijama u BiH, kao „fokusnim tačkama“ interesovanja DBO-a, te drugim institucijama u Bosni i Hercegovini koje će imati pristup tajnim podacima.

Rezultati navedenih nadzornih aktivnosti u 2020. godini su slijedeći:

Aktivnosti na certificiranju sigurnosnih područja za zaštitu tajnih podataka u BiH:

Ministarstvo civilnih poslova Bosne i Hercegovine (MCP BiH) – savjetoavne aktivnosti u cilju certifikacije bezbjednosnog područja za rukovanje tajnim podacima Bosne i Hercegovine do i uključujući stepen tajnosti „VRLO TAJNO“;

Takođe, u postupku ispunjavanja funkcije zakonitog presretanja telekomunikacija izvršene su instruktivne aktivnosti u operateru Novotel d.o.o. Sarajevo u cilju uspostave bezbjednosnog područja za prijem i obradu tajnih podataka Bosne i Hercegovine do i uključujući stepen tajnosti „POVJERLJIVO“.

U okviru ovih aktivnosti DBO je izvršio posjete na pojedinačnim lokacijama na terenu u cilju davanja neophodnih stručnih savjeta i instrukcija po pitanju uspostave potrebnih organizacionih, fizičkih i tehničkih mjera zaštite tajnih podataka te specifikiranja potrebne sigurnosno-tehničke opreme za opremanje sigurnosnih područja za zaštitu tajnih podataka.

Za određene institucije koje su sačinjeni i dostavljeni zapisnici i izvještaji sa ugrađenim mišljenjem, te službenici Sektora vrše kontinuirane dodatne savjetodavne konsultacije sa predstavnicima institucija u cilju ispunjenja neophodnih mjera za uspostavljanje bezbjednosnog područja.

U 2020. godini nije bilo novih certifikovanih sigurnosnih područja za zaštitu tajnih podataka sa aspekta personalne, dokumentacione i fizičke sigurnosti tajnih podataka tako da je do sada ukupno certificirano 22 (dvadesetdva) sigurnosna područja za rukovanje tajnim podacima BiH, a od toga njih 6 (šest) je certifikovano i za rukovanje NATO tajnim podacima (ovdje nije uzeto u obzir i Ministarstvo sigurnosti BiH – Državni sigurnosni organ, kao Centralni registar tajnih podataka, koje je takođe certifikovano od strane NATO Ureda za sigurnost/NOS za rukovanje tajnim podacima NATO do i uključujući stepen tajnosti NATO TAJNO/NATO SECRET).

Dakle, do sada su za rukovanje tajnim podacima u papirnoj formi, sa aspekta personalne, dokumentacione i fizičke sigurnosti tajnih podataka, od DSO-a BiH certificirana sigurnosna područja za zaštitu tajnih podataka, kako slijedi:

1. Sekretarijat Parlamentarne skupštine Bosne i Hercegovine – certificirano sigurnosno područje za tajne podatke BiH do i uključujući stepen tajnosti „VRLO TAJNO“;
2. Sud Bosne i Hercegovine – certificirano sigurnosno područje za tajne podatke BiH do i uključujući stepen tajnosti „VRLO TAJNO“;
3. Obavještajno-sigurnosna agencija BiH (OSA) – certificirano sigurnosno područje za tajne podatke BiH do i uključujući stepen tajnosti „VRLO TAJNO“ i za NATO klasifikovane informacije do i uključujući stepen tajnosti „NATO TAJNO /NATO SECRET“;
4. Generalni sekretarijat Vijeća ministara Bosne i Hercegovine (GENSEK VM BiH) – certificirano sigurnosno područje za tajne podatke BiH do i uključujući stepen tajnosti „VRLO TAJNO“;

5. Ministarstvo odbrane BiH – certificirano sigurnosno područje za tajne podatke BiH do i uključujući stepen tajnosti „VRLO TAJNO“ i za NATO klasifikovane informacije do i uključujući stepen tajnosti „NATO TAJNO /NATO SECRET“;
6. Ministarstvo vanjskih poslova BiH- certificirano sigurnosno područje za NATO klasifikovane informacije do i uključujući stepen tajnosti „NATO TAJNO /NATO SECRET“;
7. Misija Bosne i Hercegovine pri NATO u Briselu – certificirano sigurnosno područje za NATO klasifikovane informacije do i uključujući stepen tajnosti „NATO TAJNO /NATO SECRET“;
8. Ministarstvo pravde BiH - uslovno certificirano sigurnosno područje za tajne podatke BiH do i uključujući stepen tajnosti „VRLO TAJNO“;
9. Ministarstvo finansija i trezora BiH – certificirano sigurnosno područje za tajne podatke BiH do i uključujući stepen tajnosti „VRLO TAJNO“;
10. Državna agencija za istrage i zaštitu (SIPA) – certificirano sigurnosno područje za tajne podatke BiH do i uključujući stepen tajnosti „VRLO TAJNO“ i za NATO klasifikovane informacije do i uključujući stepen tajnosti „NATO TAJNO /NATO SECRET“;
11. Granična policija BiH – certificirano sigurnosno područje za tajne podatke BiH do i uključujući stepen tajnosti „VRLO TAJNO“ i za NATO klasifikovane informacije do i uključujući stepen tajnosti „NATO TAJNO /NATO SECRET“;
12. Direkcija za koordinaciju policijskih tijela BiH (DKPT) – certificirano sigurnosno područje za tajne podatke BiH do i uključujući stepen tajnosti „VRLO TAJNO“;
13. Služba za poslove sa strancima (SPS) – certificirano sigurnosno područje za tajne podatke BiH do i uključujući stepen tajnosti „VRLO TAJNO“;
14. Policija Brčko distrikta BiH (PBD) – certificirano sigurnosno područje za tajne podatke BiH do i uključujući stepen tajnosti „VRLO TAJNO“;
15. Federalno ministarstvo unutrašnjih poslova (FMUP) - certificirano sigurnosno područje za tajne podatke BiH do i uključujući stepen tajnosti „VRLO TAJNO“;
16. Ministarstvo unutrašnjih poslova Zeničko-dobojskog kantona - Zenica (MUP ZDK) - certificirano sigurnosno područje za tajne podatke BiH do i uključujući stepen tajnosti „VRLO TAJNO“;
17. Ministarstvo unutrašnjih poslova Zapadnohercegovačkog kantona - Ljubuški (MUP ZHK) – uslovno certificirano sigurnosno područje za tajne podatke BiH do i uključujući stepen tajnosti „VRLO TAJNO“;
18. Ministarstvo unutrašnjih poslova Tuzlanskog kantona – Tuzla (MUP TK) - certificirano sigurnosno područje za tajne podatke BiH do i uključujući stepen tajnosti „VRLO TAJNO“.

19. Ministarstvo unutrašnjih poslova Bosansko-podrinjskog kantona – Goražde (MUP BPK) - certificirano sigurnosno područje za tajne podatke BiH do i uključujući stepen tajnosti „VRLO TAJNO“
20. Ministarstvo unutrašnjih poslova Hercegovačko-neretvanskog kantona – Mostar (MUP HNK) – certificirano sigurnosno područje za tajne podatke BiH do i uključujući stepen tajnosti „VRLO TAJNO“.
21. Granična policija Bosne i Hercegovine - kontrolna tačka u zgradi u sjedištu - certificirano sigurnosno područje za tajne podatke BiH do i uključujući stepen tajnosti „POVJERLJIVO“
22. Ministarstvo unutrašnjih poslova Kantona 10 – Livno (MUP K10) – certificirano sigurnosno područje za tajne podatke BiH do i uključujući stepen tajnosti „VRLO TAJNO“.

O nadzornim aktivnostima (instruktivni nadzor) su upoznate navedene institucije kako bi mogle postupiti po datim stručnim savjetima i instrukcijama DBO-a vezano za opremanje bezbjednosnih područja potrebnom bezbjednosno-tehničkom opremom, kao i uspostavom ostalih organizacionih, fizičkih i tehničkih odluka i procedura za zaštitu tajnih podataka.

Prema prethodno prikupljenim informacijama, pored navedenih institucija u kojima su izvršene aktivnosti u svrhu certifikacije bezbjednosnih područja, ali koje nisu ispunile sve uslove za certifikaciju, u „završnoj fazi“ su aktivnosti na ispunjenju potrebnog minimuma standarda sa aspekta personalne, dokumentacione i fizičke sigurnosti tajnih podataka u papirnoj formi, tj. aktivnosti na uspostavi potrebnih organizacionih, fizičkih i tehničkih mjera zaštite tajnih podataka pred certifikaciju od DBO-a BiH, u slijedećim institucijama:

1. Tužilaštvo Bosne i Hercegovine;
2. Visoko sudsko i tužilačko vijeće Bosne i Hercegovine;
3. Ministarstvo za ljudska prava i izbjeglice Bosne i Hercegovine;
4. Uprava za indirektno oporezivanje Bosne i Hercegovine;
5. Agencija za policijsku podršku;
6. Agencija za forenzička ispitivanja i vještačenja;
7. Ministarstvo unutrašnjih poslova Kantona Sarajevo;
8. Ministarstvo unutrašnjih poslova Srednjobosanskog kantona i
9. Ministarstvo unutrašnjih poslova Posavskog kantona.
10. Ministarstvo unutrašnjih poslova Unsko-sanskog kantona.

U većini ostalih institucija koje su obuhvaćene dosadašnjim aktivnostima DBO-a, odnosno koje su tretirane ranijim izvještajima o operativnom i tehničkom nadzoru, uglavnom su u toku aktivnosti na nabavci i ugradnji potrebne sigurnosno-tehničke opreme za opremanje sigurnosnih područja za zaštitu tajnih podataka, odnosno te institucije su u fazi ispunjenja naloženih mjera i aktivnosti iz ranijih izvještaja DBO koji su im dostavljeni.

DBO očekuje da će i u narednom periodu biti upućen veći broj zahtjeva za akreditaciju i certifikaciju bezbjednosnih područja za zaštitu tajnih podataka sa aspekta personalne, dokumentacione i fizičke sigurnosti tajnih podataka.

Kako ne bi došlo do „zastoja u rukovanju tajnim podacima“, tj. do obustavljanja slanja i prijema tajnih podataka od strane certifikovanih institucija i agencija, nadzorne aktivnosti, ali i situacija na terenu, ukazuju na to da je u narednom periodu potrebno, u skladu sa strateškim planom Državnog bezbjednosnog organa BiH, staviti akcenat na pravosudne institucije (sudovi i tužilaštva na svim nivoima državne organizacije Bosne i Hercegovine) u smislu razvoja sistema bezbjednosnih područja za zaštitu tajnih podataka, ali i razvoja sveukupnog sistema zaštite tajnih podataka u tim institucijama, obzirom da DBO nema informacija o tome da su one do sada preduzimale navedene aktivnosti u okviru implementacije propisa iz oblasti zaštite tajnih podataka (osim Visokog sudskog i tužilačkog vijeća Bosne i Hercegovine, Suda Bosne i Hercegovine i Tužilaštva Bosne i Hercegovine).

U narednom periodu DBO će insistirati na daljem razvoju sistema bezbednosnog područja unutar certifikovanih institucija – terenski uredi, odnosno niže organizacione jedinice na terenu (što je zadatak sigurnosnih službenika i rukovodstva tih institucija), kako bi se u potpunosti na terenu moglo rukovati sa tajnim podacima, tj. kako bi se na terenu ostvarila puna operacionalizacija mjera i postupaka rukovanja tajnim podacima u skladu sa propisima iz ove oblasti.

POMOĆNIK MINISTRA

